

Tachelhit - Rruh Iqudus - Holy Spirit Scriptures

Matta 12:28 walaynni iğd s-rruh n-rbbi a-s-a-ssufuğg ljunun, issanat is-d-darun-tuška-tglidit n-rbbi.

Matta 28:19 ddwat ġilad s-kraygatt tamazirt, trarm mddn ad-gn imħdarn-inu, tssddmm-tn ġ-waman s-ism n-baba d-yus d-rruh Iqudus,

Marqus 1:10 ġir inkr-d zġ-waman s-iżra ignwan rżmn, igguz-d fillas rruh Iqudus n-rbbi zund yan-utbir,

Marqus 13:11 iġ-kʷn-umżn dħin-kʷn-in, ad-ur-tasim taġuft f-ma-ra-tinim. iniyat awal nna-yawn-imla rbbi ġ-tasaet-an, ašku urd kunni a-isawal walaynni rruh Iqudus n-rbbi.

Luqa 2:26 imla-yaş rruh Iqudus is-ur-ra-immt ard iżr Imasiħ n-sidi rbbi.

Luqa 4:1 iffuġ yasue zġ-tsgiw n-urdun, iemmr s-rruh Iqudus.

Luqa 4:18-21 «illa flla rruh n-sidi rbbi. iżli-yyi ad-d-awig lħbar ifulkin i-imzlađ, inīġ i-willi tyamażnin <rbbi rad-awn-ifsi,> inīġ i-ibukađn <rbbi ra-kʷn-irar a-tisfiwm.> yazn-iyi-d ad-fukkuġ ġwilli-f-iđr lbađl, 19 mlġ-awn is-d-ilkm-uzmz lli-ġ-ra-ijjnja sidi rbbi ġwilli ganin wins.» 20 issmun arra, irar-t-id i-umċawn iskiws. ar-gistmnadn kullu willi llanin ġ-tgħġi n-tżallit. 21 yini-asn: «arra-yad n-rbbi, ġassad ad-darun-yuwfa.»

Luqa 12:11,12 iġ-kʷn-in-ssbiddn ġ-tgħwmma n-tżallit a-flawn-hkamn, nġd ġ-igħdam n-inġġurn ula lħukkam, ad-ur-tasim taġuft f-ma-ra-tinim ula f-ma-s-rad-asn-trarm, 12 ašku rruh Iqudus a-rad-awn-iml ġ-tasaet-an maylli-kʷn-d-iqqann ad-asn-ti-tinim.»

Yuhanna 7:38,39 wanna sri yumnn, <isaffn n-waman n-tudrt a-ra-iftu zġ-uwl-ns> ġmklli ityaran.» 39 awal-ad, inna-t yasue f-rruh n-rbbi lli-ra-d-igguz f-willi srs umnnin. ġ-uwssan-an ur-ta-yaśn-d-ityawfka rruh, ašku ur-ta-ityalal yasue s-Imjd.

Yuhanna 14:16,17 rad-ħalbġ zġ-baba, ifk-awn-d aewin yađni lli-rad-bdda-didun-iqama, 17 a-t-igan d-rruh l-ħeqq. ur-żdarn ayt-ddunit-ad a-t-qbln ašku ur-jju-t-żrin ula ssnn-t. imma kunni tssnm-t ašku illa ġ-gratun, ra-sul-ikšm s-ugħwns-nnun.

Yuhanna 14:26 imma aewin a-t-igan d-rruh Iqudus lli-rad-awn-d-yażn baba s-ism-inu, nttan a-ra-kʷn-issimad f-kraygatt kra isskti-awn-d kullu mad-awn-nniġ.

Yuhanna 16:7,8 walaynni lħeqq a-rad-awn-iniġ, yuf-awn ad-dduġ. ašku iġ-ur-ddiġ ur-ra-d-srun-yašk-waewin, walaynni iġ-ddiġ rad-awn-t-id-aznġ. 8 ra-d-yašk nta, ar-issbayyan lħeqq i-mddn f-ddnub lli-skarn, ula afulki lli-s-irđa rbbi, ula lħukm lli-ra-ittut f-ddunit.

Yuhanna 16:13-15 imma ġakud nna-d-juška rruh l-ħeqq, rad-awn-iml lħeqq kullut. ur-ra-isawal zġ-iħf-ns, walaynni rad-awn-isawal f-maylli mi isflid iml-awn ma-ra-yili ġ-mayd-d-iftn. 14 ra-yyi-itmijjad nkki, ašku ra-yamż awal-inu iml-awn-t-id. 15 kullu ma-iṭṭaf baba, iga winu. mayad a-f-awn-nniġ <ra-yamż awal-inu iml-awn-t-id.›

Yuhanna 20:21,22 ula tamġart iġ-takmur a-taru, ar-tti-ttaġġ-tguđi, ašku tlkm-d tasaet-ns. walaynni iġ-turu arrayaw-ns ar-tettu takrrayt lli-tzzri, ašku tfr̥i s-bnadm lli-d-

iffuğn s-ddunit. 22 ula kunni, taġ-kʷn-tguđi ġilad, walaynni ra-kʷn-daġ-żrg, tfr̠m s-uggwar. ur-illi ma-rad-awn-ikkis Ifr̠-nnun.

Irqqasn 1:2 ar ass Ili-ġ-ityalal s-ignna. walaynni Iliġ ur-ta-ityalal isawl s-willi isti ad- gn irqqasn-ns, yušşa-tn s-thkimt n-rruħ Iquđus f-ma-rad-skarn.

Irqqasn 1:5,8 ikka-ttin yuhanna ar-issddam mddn ġ-waman, imma kunni tigira n-kra n-uwssan drusnin, ra-tddmm s-rruħ Iquđus.» 8 walaynni ra-temmr̠m s-thkimt itjhhdn ġakud nna-d-fllawn-igguz rruħ Iquđus. ra-flla-takkam tugga ġ-urušalim ula kullu tamazirt n-yudaya ula samira ar tmizar aggugnij n-ddunit.»

Irqqasn 2:1-4 zrin-uwssan aylliġ-d-iruħ leid n-win smmus id-mraw. munn kullutn ġ-yat-tgħimmi. 2 sflidn ilmma i-yat tijjijt tuška-d zgħ-ignwan temmr̠ tigm̠i Ili-ġ-gawrn zund aqdu itjhhdn. 3 żrn kra irwas timzliwin l-leafit, bdunt tettr̠s yat f-kraygatt yan għisn. 4 emmrn kullu s-rruħ Iquđus, bdun ar-sawaln s-iwaliwn iġribn ġmklli-asn-tn-ifka rruħ Iquđus.

Irqqasn 2:17-19 «ġ-uwssan ggħranin ra-n-zzugzgħ rruħ-inu f-kullu mddn. rad-sawaln tarwa-nnun d-istitun s-iwaliwn Ili-rad-asn-akkaġ. rad-tisfiġn iċċeyal-nnun mad-asn-malaġ. rad-twargan ifqqiġn-nnun s-mad-asn-ssbayyan. 18 hati ġ-uwssan-an ra-n-zzugzgħ rruħ-inu f-ilħadd-inu d-thħaddiġ minn, rad-sawaln s-iwaliwn Ili-rad-asn-malaġ. 19 rad-skarġ timitar ġ-tattuġt n-ignwan ula lmejżizat f-iggi n-wakal. rad-ilin idammn d-leafit d-imdla n-waggu igġutn. (Yuwil 2:28,29)

Irqqasn 2:33 ityalal ilmma s-ufasi n-rbbi babatnngħ, yamž zgħ-dars rruħ Iquđus Ili-f-inna rad-aġ-ġifk. izzugz-t-id fllannngħ ġilad ġmkad tżram ar-as-tsfluidm.

Irqqasn 2:38 isawl bħrus yini-asn: «flat kullu ma-tskarm ywħišn, iddm kud yan gigun ġ-waman s-ism n-yasue lmasiħ, ad-awn-işamħ rbbi f-ddnub-nnun ifk-awn lbaraka n-rruħ Iquđus.

Irqqasn 4:31 Iliġ kmmln tażallit-ad, tħmass-tgħimmi Ili-ġ-llan, emmrn kullutn s-rruħ Iquđus ar-sawaln s-zżeamt s-wawal n-rbbi.

Irqqasn 8:15-17 Iliġ-n-lkmn, zzalln ħalbn zgħ-irbba a-d-ifk rruħ Iquđus i-willi umnnin. 16 ašku ġakudan ur-ta-d-fllasn-igguz rruħ Iquđus. ġir ddmn ntnej ġ-waman s-ism n-siditnngħ yasue. 17 srsn fllasn irqqasn ifassn-nsn s-tn-ikšm rruħ Iquđus.

Irqqasn 8:39 imma filibus, ġir ġlin-d zgħ-waman s-t-issitti rruħ n-siditnngħ, ur-sul-t-izri Iwazir. izayd ntta f-uğaras-ns s-Ifr̠-ħad idha. (1 Agħid 18:12)

Irqqasn 9:31 ġ-uwssan-an iħnna l-ħal dar kullu ayt-umnaggar ġ-tmizar n-yudaya ula jaħlil ula samira. ar-ttigatn ar-tdusn, ar-tn-izzeam rruħ Iquđus. ar-skarn kullu f-ad-rđun siditnngħ.

Irqqasn 10:44,45 sul a-isawal bħrus s-d-igguz rruħ Iquđus f-kullu willi-as-sfluidni. 45 ar-tejjabn imumnn n-ayt-yudaya Ili-d-munnin d-bħrus Iliġ żrañ mamnk a-ifka rbbi lbaraka n-rruħ Iquđus i-ibrraniyn ula ntnej.

Irqqasn 11:15 «bduġ ar-asn-sawalġ, s-d-fllasn-igguz rruħ Iquđus ġmklli-d-fllannngħ-igguz nkkwni ġ-isizwar.

Irqqasn 13:52 imma imħdarn Ili-fln ġ-anġakiyya, emmrn ntnej s-Ifr̠-ħad ula s-rruħ Iquđus.

Irqqasn 19:6 isrs fllasn ifassn-ns, s-d-fllasn-igguz rruħ Iquđus, ar-sawaln s-iwaliwn iġribn ar-tbrraħn s-mad-asn-imala rbbi.

Irqqasn 20:23 yat-tgħawsa kad-ssn: ġ-kraygatt tamdint ar-iyi-ittini rruħ Iquđus s-lmequl izd-ġin a-ġ-a-sri-tqln iskraf ula tarfufnt.

Ruma 5:5 ula rrja ur-rad-ağ-iżżeġwraż, ašku rbbi iemmr ulawn-nnġ s-lħenant-ns s-tħkamt n-rruh Iqudus Ili-ağ-ifka.

Ruma 8:9 imma kunni, iġ-gigun illa rruh n-rbabi, ur-ra-tskarm s-ma-tra ddat, walaynni ra-tskarm s-ma-ira rruh. wanna-ġ-un-illu rruh I-Imasiħ, ur-akkw-igi win Imasiħ.

Ruma 8:13-16 iġ-a-tskarm s-ma-tra ddat, rad-awn-tili Imut. walaynni iġ-a-tnqqam iskkir n-ddat s-tħkamt n-rruh, rad-awn-tili tudrt. 14 kullo winna sflidnin s-rruh n-rbabi, gan tarwa n-rbabi. 15 ašku rruh Ili-awn-ifka rbabi ur-kwñ-irur a-tgm ismgan twrrim-daġ tiksadム, walaynni irur-kwñ a-tgm tarwa n-rbabi aylliġ a-srs-naqra: «abba, wa-baba.» 16 hati imšaška-d rruh n-rbabi d-rruh-nnġ ar-ağ-malan izd tarwa n-rbabi a-nqa.

Ruma 8:26 ġmkad-nnit ad-ağ-itċawan rruh Iqudus ġilad ġ-sul-nđef. ur-nssin ma-sra-ntżalla i-rbabi ġmklli-ağ-d-iqqann, walaynni rruh Iqudus ar-t-fllannġ-itdalab s-unfuṣun tħħedni Ili-ugwرنin iwaliwn.

Ruma 15:13 Ċalbġ rbabi Ili-yakkan rrja, a-kwñ-iemmr s-lfrh d-sslamt iggutn ġilad ġ-srs-tumnm, baš a-bahra-gigun-ittigat rrja-yad s-tħkamt n-rruh Iqudus.

Ruma 15:18/19 ašku ur-rad-zemġ ad-sawlġ f-yat abla ma-iskr Imasiħ f-ufus-inu. ašku s-iwaliwn d-iskkir d-Iquwwat d-tmitar tħħedni ula s-tħkamt n-rruh Iqudus a-s-irur ayt-tmizar ad-amžn aġaras n-rbabi. ġmkad a-s-sslkmġ Iħbar-ns i-kullu timizar zġi-tsga n-urušalim ar tasga n-illirikun.

1 Kurintus 2:10-13 imma ġilad issbayn-ağ-t-id rbabi s-tħkamt n-rruh-ns. ašku rruh Iqudus ar-isiggil kullu ma-illan, yissan ula tiġawsiwin n-rbabi Ili-ntlnin. 11 ma-issnn iswingimn Ili-rgsnin ġ-uwel n-bnad? ur-tn-issin abla rruh n-bnad Ili-gis-illan. ġmkad a-iga ula dar rbabi. ur-illi ma-issnn iswingimn n-rbabi abla rruh n-rbabi. 12 imma nkkwni ur-ginnġ-tli rruh n-ddunit-ad, walaynni illa ginnġ rruh Ili-ağ-d-yuzn rbabi baš a-nissan kullu mad-ağ-yakka rbabi. 13 ar-nsawal f-mayad s-mklli-ağ-imala rruh Iqudus, urd s-iwaliwn I-leaqi n-bnad. ar-nsslmad ġwilli-ġ-illa rruh Iqudus f-tġawsiwin n-rruh Iqudus.

1 Kurintus 3:16 is-ur-tssinm izd tigmī tamżlayt n-rbabi a-tgam, izdgħ gigun rruh n-rbabi?

1 Kurintus 6:11 ula kunni, kra gigun ikka-ttin ar-iskar ġmikan, walaynni isird-kwñ siditnng yasue Imasiħ s-rruh n-rbabi-nnġ, iżli-kwñ iskr sslamt ġ-gratun d-rbabi.

1 Kurintus 12:3 ġayan a-f-riġ a-tissanm mayad: yan isawal s-tħkamt n-rruh n-rbabi ur-ra-yini «tlla nnelt f-yasue,» ula iż-żdar kra n-yan a-ittini «yasue iga sidi» abla s-tħkamt n-rruh Iqudus.

2 Kurintus 3:17 hati siditnng iga rruh. d-wanna dar rruh n-siditnng, ityawfsay zgi-iskraf.

2 Kurintus 13:14 ad-awn-tili Ibaraka n-siditnng yasue Imasiħ ula lħenant n-rbabi ula tamunt n-rruh Iqudus kullukn.

Galațiyya 4:6 ġmkad ad-ağ-imlan is-nqa tarwa n-rbabi, ašku yuzn-d rruh n-yus izdgħ ġ-uwlaw-nnġ, irar-ağ a-srs-naqra: «abba, wa-baba.»

Afsus 1:13,14 ula kunni, twrrim tgħid wins Iliġ-kwñ-in-ilkm-wawal I-ħeqq, a-t-igan d-ħbar ifulkin Ili-s-tnejmm. Iliġ tumnm s-Imasiħ ityawfka-yawn rruh Iqudus Ili-f-inna rbabi ra-t-ifk i-mddn-ns, baš a-tissanm izd wins a-tgam. 14 iga tamatart n-is-ra-

issafu rbbi kulla timiħar Ili-f-inna ra-tnt-ifk i-mddn-n. matta ġunškad s-iggut lmjd n-rbabi, ar-t-ntalġ bahra.

Afsus 2:18 f-ssibl l-Imasiħ a-f-nzdar ġilad a-kullu-nkšm s-dar rbabi babatnnġ s-yan-rruh Ili-ginnġ-illan kullwaġ.

Afsus 4:30 a-ur-tti-tsštiiyarm i-rruh Iqudus n-rbabi Ili-awn-ifka baš a-ig tamatart n-is-tgam wins ar-d-iruh-wass Ili-ġ-ra-kʷn-ifukku zġ-ddunit-ad.

1 Tasaluniki 4:8 wanna yagʷin a-isfld s-wawal-ad, urd bnadm a-yagʷi walaynni yagʷi rbabi Ili-awn-ifkan ula kunni rruh-ns Iqudus.

1 Tasaluniki 5:19 a-ur-tssħsim rruh Iqudus,

2 Tasaluniki 2:13 walaynni iqqan-aġ-d a-bdda-ntškar rbabi fllawn ay-aytmatnnġ Ili-f-iħnna siditnnġ, ašku izli-kʷn zġ-isizwar a-tnejmm, issġus-kʷn s-rruh Iqudus baš a-tgm wins f-ssibl n-ma-tumnm Iħqq. (1 Bħrus 1:2)

Titus 3:5,6 s-rrħmt-n iggutn a-s-aġ-ijjnjam, urd f-ssibl n-ifulkitn Ili-nskar. ijjnjm-aġ isird-aġ ifk-aġ talalit n-tudrt l-Ijdid s-thikimt n-rruh Iqudus 6 Ili-s-aġ-iemmr f-ufus n-unjjam-nnġ yasue Imasiħ.

Iebrin 2:4 izzga-t rbabi s-Imejizat d-lejajb d-Iquwwat ggutnin ula s-twafkiw n-rruh Iqudus Ili-ifka i-mddn ġmklli ira.

Iebrin 10:15 ula rruh Iqudus ifka-yaġ tugga f-mayad inna:

1 Bħrus 1:2 izli-kʷn rbabi babatnnġ s-thikimt n-rruh Iqudus ġmklli iqṣad zġ-isizwar, baš a-tskarm s-iwaliwn n-yasue Imasiħ tgħusm s-idammn-n. ad-awn-tigat Ibaraka d-sslamt.

2 Bħrus 1:21 ašku ur-d-yuški kra n-wawal n-rbabi zġ-leaqi n-bnadim, walaynni ar-sawaln mddn-an s-iwaliwn Ili-asn-d-imala rbabi ġmklli-tn-itguwwad rruh Iqudus..

1 Yuhanna 4:2 ġmkad a-s-ra-tissanm izd rruh n-rbabi a-gisn-isawaln nġd uhu: iġ-a-ittini rruh-an «yasue Imasiħ yuška-d zġ-rbabi, iwrri s-ddat n-bnadim» ra-tissanm rruh-an, izd win rbabi a-iga.

1 Yuhanna 5:7,8 Ilan krad inagan: 8 rruh d-waman d-idammn. mšaškand-d tugga-n.

Yahuda 1:20 imma kunni ay-aytma ezzanin, ssdusat iħfawn-nnun ġ-liman iżzzan Ili-awn-ifka rbabi, ar-ttzallam ġmklli-awn-imala rruh Iqudus.

Exodus 35:31 Spirit of God, in wisdom, in understanding, and in knowledge, and in all manner of workmanship;

Numbers 11:25 Spirit of God on Moses put on 70 elders who prophesied.

Ayyub 33:4 The Spirit of God made me, & the Breath of the Almighty gave me life.

Išaëya 11:2 the Spirit of the LORD shall rest upon Him, the Spirit of wisdom and understanding, the Spirit of counsel and might, the Spirit of knowledge and of the fear of the LORD;

Mika 3:8 I am full of power by the Spirit of the LORD, and of judgment, & of might,

Zakariyya 4:6 Not by might, nor by power, but by My Spirit, saith the LORD of hosts.